

2020-2021

# Starfsáætlun Krakkalands – frístundaheimili Snælandsskóla



Marianna Guðbergsdóttir

Kópavogsbær

2020-2021

## Efnisyfirlit

Inngangur .....	2
Hagnýtar upplýsingar .....	2
Gjaldskrá og innheimta .....	4
Gjaldskrá .....	4
Innheimtuferli .....	4
Daglegt starf veturinn 2016- 2017 .....	4
Áherslur í starfi.....	4
Húsnæði .....	5
Dagskipulag í Krakkalandi .....	5
Siðdegishressing.....	6
Klúbbastarf og Fagraland .....	6
Samstarf við skólann .....	7
Samstarf við íþróttafélög .....	8
Skólabragur í Krakkalandi.....	8
Einelti .....	8
Barnalýðræði.....	9
Samstarf við foreldra .....	9
Öryggi og verkferlar .....	9
Innra og ytra mat .....	11
Innra mat.....	11
Ytra mat.....	11
Símenntunaráætlun .....	12
Yfirlit yfir viðburði á skólaárinu .....	12

## Inngangur

Í þessari starfsáætlun er gert grein fyrir starfssemi Krakkalands, frístundaheimilis Snælandsskóla, í Kópavogi. Hlutverk Krakkalands er að bjóða upp á innihaldsríkt frístundastarf fyrir börn í 1.- 4. bekk skólans. Frístundaheimili eru hluti af starfi grunnskólanna og starfa á grundvelli 33. greinar grunnskólalaga (91/2008). Í daglegu starfi frístundaheimila er lögð áhersla á frjálsan leik og óformlegt nám með virkri þátttöku í frístundastarfi í öruggu umhverfi. Börnin fá tækifæri til að takast á við verkefni sem hæfa aldri þeirra og þroska. Áhersla er lögð á að flétta grunnþætti menntunar, sem eru *læsi, sjálfbærni, heilbrigði og velferð, lýðræði og mannréttindi, jafnrétti og sköpun*, inn í daglegt starf. Öll börn, óháð getu, þroska eða fötlun skulu eiga kost á að taka þátt í því starfi sem þar fer fram á sínum forsendum. Skipulag frístundar miðast við aldur og þroska barna frá 1.– 4. bekk og skulu skólar gera ráðstafanir til að hvetja alla árganga til þátttöku. Samvinna frístundastarfs við íþrótt- og tómsfundafélög og leikskóla miðar að því að gera vinnudag barnanna heildstæðan. Starfsfólk frístundaheimila skal koma fram við börnin af virðingu og hlýju.

Skólástjórar eru yfirmenn frístundastarfs í skólunum og bera ábyrgð á faglegu starfi og á að framkvæmd þess sé í samræmi við stefnu bæjarins í málaflokknum. Skólástjóri sér um að ráða forstöðumann sem ber ábyrgð á að skipuleggja og stjórna daglegu starfi. Forstöðumaður getur óskað eftir ráðgjöf frá sérmenntuðum ráðgjafa á sviði tómsfundamála.

Á skólaárinu 2020 - 2021 er starfsáætlun fyrir frístund birt í fimmta sinn. Forstöðumaður sér um að skrifa og uppfæra starfáætlunina fyrir frístundaheimilið árlega. Starfsáætlun er kynnt og samþykkt í skólaráði í byrjun skólaárs og skilað til skólanefndar fyrir 1. október ár hvert. Starfsáætlun birtist jafnframt á heimasíðu skólans og er upplýsinga- og kynningarit fyrir foreldra, starfsmenn og aðra þá er starfið varðar.

## Hagnýtar upplýsingar

Frístundaheimili Snælandsskóla heitir Krakkaland og er staðsett í Fagralundi skólaárið 2020-2021. Börnin völdu sjálf nafn á frístundina sína haustið 2015 og héldu kosningar í kjölfarið þar sem Krakkaland fékk flest atkvæði. Í Krakkalandi eru skráð u.þ.b. 100 börn úr 1. og 2. bekk og auk þess eru u.þ.b. 43 börn skráð í frístund í Fagralandi (3. og 4. bekkjarstarf) skólaárið 2020-2021.

### Fjöldi barna eftir aldri

1.bekkur: 57

2.bekkur: 46

3.bekkur: 20

4.bekkur: 23

**Samtals: 146**

Forstöðukona Krakkalands er Maríanna Guðbergsdóttir og er hún með B.A. gráðu í uppeldis- og menntunarfræði og M.A. gráðu í kynjafræði. Hægt er að ná sambandi við Maríönnu í tölvupósti [mariannag@kopavogur.is](mailto:mariannag@kopavogur.is) eða í síma 441 4232. Aðstoðarforstöðukona Krakkalands er Auður Hallgrímsdóttir og hefur hún yfirumsjón með starfsemi Fagralands. Hægt er að hafa samband við Auði í tölvupósti [audurhall@kopavogur.is](mailto:audurhall@kopavogur.is).

### Opnunartími

Krakkaland er opið frá 12:40 til 17:00 alla kennsludaga, flesta starfsdaga, á foreldraviðtalsdögum skólans og í jóla- og páskafríi. Lokað er á skólasetningardegi og auk þess er einn starfsdagur á önn, þar sem

starfsfólk frístundaheimilisins undirbýr starfið. Lokað er í vetrafrí og á Þorláksmessu. Á blaðsíðu 13 má sjá yfirlit yfir opnunardaga í Krakkalandi.

### Opnun í jóla- og páskafríum og í skólaslitaviku

Á skólaárinu 2020-2021 verður boðið upp á opnun í jóla- og páskafrí í fimmta sinn. Krakkaland verður opið í jólafrí skólans fram að Þorláksmessu og á virkum dögum í Dymbilvikunni. Þar að auki er opið á virkum dögum í vikunni sem skólaslit fara fram fyrir börn í 1. og 2. bekk til að brúa bilið þar til sumarnámskeið hefjast. Dagana á milli jóla- og nýárs og 2. janúar verður opið í tveimur frístundaheimilum, þ.e. einum í neðri byggð og öðrum í efri byggðum, fyrir öll börn sem skráð eru í frístund í grunnskólum Kópavogs og vilja sækja þessa þjónustu. Frístundaleiðbeinendur frá öllum frístundaheimilum við grunnskóla Kópavogs skipta með sér að vinna á þessum tímum og mun frístundaleiðbeinandi úr Krakkalandi fylgja börnunum. Frístundaheimili eru lokað á Þorláksmessu, aðfangadag og gamlársdag.

Opnunartími í jóla- og páskaopnun er frá kl. 8:00 til 16:00. Börnin hafa með sér þrjú nesti, fyrir morgunhressingu, hádegismat og síðdegishressingu. Lágmarksfjöldi skráðra barna hvern dag er 15 börn. Ef opnunartími skerðist vegna takmarkaðrar skráningar verður það tilkynnt þegar skráning liggur fyrir. Sækja þarf sérstaklega um dvöl fyrir viðkomandi daga inn á íbúagátt og greitt er sérstaklega fyrir þessa daga.

### Forföll og tilkynningar

Forföll og aðrar upplýsingar þarf að tilkynna fyrir kl. 12 hvern dag á netfangið [krakkaland@kopavogur.is](mailto:krakkaland@kopavogur.is) eða í síma 441 4232. Einungis er í boði að hringja í okkur eftir klukkan 13:00 ef um neyðartilvik er að ræða. Foreldrar sækja ýmist börn sín eða geta leyft þeim að labba heim á ákveðnum tímum. Mikilvægt er að starfsfólk hafi skýrar upplýsingar varðandi heimferðir barnanna og að þær berist á réttum tíma.

### Listi yfir starfsfólk Krakkalands 2020-2021

Ana Maria Iriarte Paredes	Frístundaleiðbeinandi
Anna Mae Cathart-Jones	Frístundaleiðbeinandi (mán-mið-fös)
Auður Hallgrímsdóttir	Aðstoðarforstöðukona
Emilíanna Valdimarsdóttir	Frístundaleiðbeinandi
Hekla Maídis Sigurðardóttir	Frístundaleiðbeinandi
Hekla Sól Þrastardóttir	Frístundaleiðbeinandi (mán-þrið-mið-fös)
Hinrik Jón Stefánsson	Frístundaleiðbeinandi
Krystyna Gorzkowsja	Frístundaleiðbeinandi
Laufey Harðardóttir	Frístundaleiðbeinandi (mán-mið-fim)
Magnús Kjartansson	Frístundaleiðbeinandi
Marianna Guðbergsdóttir	Forstöðukona
Renata Meke	Frístundaleiðbeinandi

## Gjaldskrá og innheimta

### Gjaldskrá

Skráning í Krakkaland fer fram á netinu, í gegnum íbúagátt Kópavogsbæjar. Hægt er að velja hálfu og heila tíma. Viðkomandi þarf að vera með íslykil eða rafræn skilríki til að geta skráð sig inn í íbúagáttina.

<https://ibuagatt.kopavogur.is/login.aspx?ReturnUrl=%2fdefault.aspx>

Frestur til þess að sækja um dvöl, breyta dvalartíma, segja upp dvöl og/eða sækja um afslátt er til 20. hvers mánaðar. Breytingar til innheimtu taka gildi frá og með næstu mánaðamótum á eftir. Afsláttur er veittur einstæðum foreldrum, öryrkjum (75% örorka eða meira) og námsmönnum (báðir foreldrar í námi). Afsláttur er ekki veittur afturvirkur.

Gjaldskrá má finna á heimasíðu Kópavogsbæjar <http://www.kopavogur.is/is/gjaldskra>

### Innheimtuferli

Innheimta dvalar- og matargjalda fyrir frístund fer fram hjá innheimtudeild Kópavogsbæjar og fer fram samkvæmt innheimtureglum Kópavogsbæjar. Skóli kemur óformlega að innheimtu og sér um að segja upp vist/áskrift ef ekki er gengið frá greiðslu eftir ákveðinn tíma.

**1. hvers mánaðar** er gjalddagi. Gjöld í frístund eru innheimt fyrirfram.

**10. hvers mánaðar** er eindagi.

**12. hvers mánaðar** sendir innheimtudeild út stöðu vanskila. Skal skóli veita óformlega áminningu hafi skuld ekki verið greidd (t.d. símtal eða tölvupóstur) áður en formlegt ferli af hálfu bæjarins fer af stað.

**20. hvers mánaðar** hefst formlegt ferli af hálfu bæjarins, þá er send áminning frá innheimtudeild til þeirra sem ekki hafa greitt.

**10. næsta mánaðar** fer krafa í milliinnheimtu til Momentum hafi skuld ekki verið greidd og er þá úr höndum bæjarins. Sjá nánar ferli mála í milliinnheimtu og löginheimtu í innheimtureglum Kópavogsbæjar.

Ef skuld hefur ekki verið greidd **að tveim mánuðum liðnum** skal skólinn segja vist barns/mataráskrift upp frá og með næstu mánaðarmótum þar á eftir.

## Daglegt starf veturinn 2020-2021

### Áherslur í starfi

Hlutverk frístundaheimila er að bjóða upp á innihaldsrík frístundastarf fyrir öll börn á yngsta stigi grunnskóla sem einkennist af frjálsum leik og vali. Þannig aðstoða þau fjölskyldur við að sameina fjölskyldu- og atvinnulíf og gefa börnunum kost á auknu sjálfstæði innan vissra marka og skapa eigin menntaferla. Áhersla er lögð á að byggja upp barnamiðað starf þar sem öll börn geta fundið verkefni og leik eftir sínum áhugamálum, fengið að prófa fjölbreytt tómsundastarf og þróa þannig persónuleika sinn í gegnum leik og skapandi starf.

## Húsnæði

Nú haustið 2020 fluttist Krakkaland alfarið yfir í fundar- og veislusal í húsnæði Fagralunds og fer þar daglegt starf fram. 3. og 4. bekkjar starfið hefur frá ágúst 2017 verið í öðrum fundarsal í Fagralundi sem heitir Fagraland. Þar er boðið upp á frjálsan leik, skapandi starf og klúbbastarf. Auk þess nýtir Krakkaland eftirtaldar stofur í skólanum:

- Matsal fyrir hressingu
- Bókasafn
- Gamla íþróttasalinn
- Tölvustofu

## Dagskipulag í Krakkalandi

Krakkaland opnar um leið og kennslu lýkur hjá yngsta stigi skólans. Stundatöflur í 1. og 2. bekk eru hannaðar þannig að einn árgangur er alltaf í umsjón Krakkalands frá kl. 12:40 á meðan hinn árgangurinn er í skólanum til kl. 14. Þegar börn eru í Krakkaland á þessum tíma, kallast það Gæðastund (sjá nánar í kafla Gæðastund). Þar fá þau að leika sér bæði öll saman í skipulögðum hópleikjum og verkefnum en einnig frjálst til kl. 14 þegar síðdegishressing tekur við. Árgangur sem er í kennslu til 14 fer beint í hressingu og svo er útivera fyrir öll börn. Að því loknu, eða rúmlega kl 14:40 hefst hópastarf þar sem börnin geta skráð sig í þá hópa sem eru í boði. Hópastarfi lýkur kl. 16:00 og þá sameinast börnin og starfsfólk aftur í Krakkahjarta þar til þau eru sótt.

Mánudagar eru frábrugðnir. Þá lýkur skóladegi flestra kl.14 og þau byrja daginn hjá okkur á síðdegishressingu og sleppa útiveru. Þá er flæði milli Krakkalands og Fagralands þar sem boðið er upp á bíó í Fagralandi og skemmtileg fönðurverkefni í Krakkalandi ásamt venjulegu vali.

## Skráningatafla

Á töflu í anddyri Krakkalands fer fram skráning í hópastarf Krakkalands auk þess sem þar eru skráðar allar rútur og æfingar sem börnin sækja. Sambærilega töflu er einnig að finna í Fagralandi. Taflan einfaldar foreldrum, börnunum og starfsmönnum að sjá hvar barnið er á hverjum tíma um leið og börnin læra að taka ábyrgð. Lögð er áhersla á að kenna börnunum að halda sjálf utan um eigin skráningu. Áhersla er lögð á að börnin fái tækifæri til að velja sjálf hvað þau gera á hverjum degi. Með fjölbreyttu starfi og möguleika á sjálfskráningu læra börnin að bera ábyrgð á vali sínu. Kerfið er krefjandi bæði fyrir starfsmenn og börn. Starfsmenn þurfa að halda vel utan um skráninguna, minna börnin á að skrá sig rétt og aðstoða foreldra og forráðamenn við að finna börnin sín. Mikilvægt er að börnin læri að nota töfluna rétt og virða mikilvægi hennar.

## Síðdegishressing

Dæmi um matseðil:

Matseðill vikunnar 28.sept-2.okt				
Mánudagur	Þriðjudagur	Miðvikudagur	Fimmtudagur	Föstudagur
Brauð með skinku	Flatkökur með kæfu	Hrökkkex með smjöri og osti	Brauð með smurosti	Kanilsnúðar
Gulrætur	Epli	Banani	Pera	Melóna
Matseðill vikunnar 5.-9. okt				
Mánudagur	Þriðjudagur	Miðvikudagur	Fimmtudagur	Föstudagur
Brauð með pepperoni	Hrökkkex með smjöri og osti	Brauð með mýsing	Flatkökur með hangikjöti	Tebollur
Epli	Banani	Gúrka	Melóna	Mangó
Matseðill vikunnar 12.-16.okt				
Mánudagur	Þriðjudagur	Miðvikudagur	Fimmtudagur	Föstudagur
Brauð með kavíar	Hrökkkex með smurosti	Skonsur með smjöri og osti	Brauð með spægipylsu	Pizzasnúðar
Gúrka	Banani	Epli	Konfekt tómatar	Melóna

1.og2.bekkur borðar síðdegishressingu ýmist í matsal skólans eða í Krakkalandi, eftir því hvenær þau klára skóladaginn. Ávaxtabitar og afgangar eru gjarnan í boði seinni part dagsins, milli 15:30 og 15:45. Síðdegishressing fyrir börn í 3. og 4. bekk fer fram í Fagralandi og stendur yfir frá kl. 13:30.

## Klúbbastarf og Fagraland

Fagraland er frístund fyrir börn í 3. og 4. bekk. Klúbbastarf er í boði fyrir börn í 3. og 4. bekk. Markmiðið er að bjóða upp á fjölbreytt starf fyrir þennan aldurshóp til að koma til móts við þeirra þarfir. Frístundaleiðbeinendur halda utan um starfið.

Hér að neðan má sjá yfirlit yfir klúbbastarfið á haustönn 2020. Skipulagið er endurskoðað um áramót og breytingar gerðar í samráði við börnin.

Mánudagar	Þriðjudagar	Miðvikudagar	Fimmtudagar	Föstudagar
<b>Listasmiðja Krakkaland:</b> Anna Mae	<b>Bókasafn Krakkaland:</b> Renata	<b>Barnaráð Krakkaland:</b> Anna Mae	<b>Tölvuhópur Fagraland:</b> Hekla Maídís	<b>Tölvuhópur Krakkaland:</b> Hekla Maídís
<b>Bío í Fagralandi:</b> Starfsfólk	<b>Leiklist Fagralandi:</b> Hekla Sól	<b>Tölvuhópur Krakkaland:</b> Ana María		<b>Barnaráð Fagraland:</b> Auður

Ath. Með fyrirvara um breytingar. Klúbba- og hópastarfið er í stöðugri þróun.

### Samstarf við skólann

Gott samstarf milli skóla og frístundaheimilis er lykilatriði í því að styðja sem best við þroska og líðan barna í skólanum. Lagagrein í grunnskólalögum um frístundastarf (gr. 33a, 91/2008) gerir ráð fyrir að skóla- og frístundastarf sé samþætt með það að markmiði að bjóða upp á heilstæðan skóladag fyrir börnin. Snælandsskóli er með þróunarverkefni um slíkt samstarf milli skóla og frístundar sem heitir Gæðastund. Auk þess er lögð áhersla á gott upplýsingaflæði á milli Krakkalands og kennara skólans. Forstöðumaður Krakkalands sækir alla starfsmanna-, deilda- og kennarafundi og situr teymisfundi vegna barna með sérþarfir.

### Gæðastund

Gæðastund er verkefni í Snælandsskóla þar sem börn í fyrsta og öðrum bekk fá uppbot frá hefðbundnum skóladegi tvisvar í viku í umsjón frístundaleiðbeinenda Krakkalands. Verkefnið er hluti af hefðbundnum skóladegi og hófst haustið 2014. Markmið verkefnisins er að auka samstarf skólans og frístundar, efla félagsfærni barnanna og gefa frístundaleiðbeinendum kost á því að kynnast börnunum betur í litlum hópum.

Gæðastund á sér stað í rými Krakkalands, Fagralands, íþróttasal Fagralands og í gamla íþróttasal skólans. Í gæðastund er farið í leiki og unnin verkefni sem efla félagsfærni og samvinnu barnanna. Eftir samverustund fá þau einnig tækifæri að leika sér frjálst með vinum sínum. Á meðan hópleikir efla félagsfærni þeirra og styrkja samvinnu í bekknum, fá börn með stjórn á frjálsum leik hlut af Gæðastundinni sjálf. Einnig gefur frjáls leikur frístundaleiðbeinendum kost á að fá innsýn í hugarheim barnanna og vinatengls þeirra á milli.

Skólaárið 2020-2021 er Gæðastund haldin þriðjudaga til föstudaga frá 12:40 - 13:20. 1. bekkur mætir á þriðjudögum og fimmtudögum en 2. bekkur er á miðvikudögum og föstudögum. Klukkan 13.20 fá börnin að leika sér áfram eða skipulagt hópastarf er þangað til síðdegishressing byrjar kl 14.





## Samstarf við Íþróttafélög

Krakkaland er í samstarfi við íþróttafélög Kópavogs. Samstarfið felst í því að börnin eru send í rútur á æfingar. Allar rútur leggja af stað frá Fagralundi. Starfsfólk Krakkalands sér til þess að börnin leggja tímanlega af stað og fari örugglega með rútunni. Einnig eru börnin send á æfingar í nágrenninu.

Því miður geta krakkarnir ekki skipt um föt í skólanum fyrir æfingar. Best er ef krakkarnir mæta í fötum sem þeir geta síðan æft í svo þeir þurfi aðeins skipta um skó áður en farið er á æfingu. Mikilvægt er að forráðafólk skrái íþróttir barna sinna í Völuna ef óskað er eftir því að barn sé sent í rútu. Þar þurfa að koma fram upplýsingar um íþróttagrein, tíma og hvort barnið eigi að taka rútu.

## Skólabragur í Krakkalandi

Krakkaland er staður fyrir börn. Áhersla er lögð á að börnunum finnist gaman í Krakkalandi og að allir finni viðfangsefni við sitt hæfi og áhuga. Reynt er að koma til móts við óskir og athugasemdir barnanna með fjölbreyttum svæðum og tómstundastarfi.

Reglur í Krakkalandi endurspeglar þessi áherslur:

- Við erum öll vinir.
- **Við berum virðingu hvert fyrir öðru.**
- Við virðum skráningatöfluna og pössum okkur að færa enga miða nema okkar eigin.
- Við skráum okkur inn og út úr Krakkaland og pössum upp á að miðinn okkar sé alltaf á réttum stað.
- Við göngum inni og megum hlaupa úti.
- **Við erum bara á þeim svæðum sem við megum vera á, bæði inni og úti.**

## Einelti

Krakkaland er hluti af skólastarfi Snælandsskóla. Skólinn er Olweusarskóli og vinnur margvisst gegn einelti. Krakkaland tekur þátt í öllum uppákomum tengdum áætluninni svo sem í Vinagöngu og öðrum uppbrotsdögum.

Í daglegu starfi er ýtt undir jákvæð samskipti milli barna, bæði í leik og í samræðum. Fylgst er með vinasamböndum barnanna og reynt að skoða allar hliðar máls þegar ágreiningur kemur upp. Eftir bestu getu er komið í veg fyrir einelti með því að styðja við jákvætt samband á milli barnanna og stuðla að því að öll börnin eignist vini.

Þegar tilkynning berst um grun um einelti er farið eftir Oelweusar áætlun og unnið í málinu í samstarfi við bekkjakennara, námsráðgjafa, skólastjórn og aðra sem að málinu koma.

Þar að auki hefur Snælandsskóli nýlega tekið upp Vináttuverkefni Barnaheills sem hefur það markmiði að styrkja félagsfærni barna og vinatengsl þeirra á milli til að koma í veg fyrir einelti. Krakkaland á aðild að verkefninu í Snælandsskóla. Gæðastundin er oft notuð sem tími fyrir alls kyns vináttuverkefni og Krakkaland á bangsann Blæ sem aðstoðar við verkefnið.

## Barnalýðræði

Starfsemi Krakkalands mótast í samvinnu milli barnanna, starfsfólksins og annarra aðila svo sem foreldra, kennara og íþróttafélaga. Hugmyndir barnanna um innra starfið í Krakkalandi eru ræddar og framkvæmdar eftir bestu getu. Svokallaður hugmyndakassi er alltaf uppi þar sem börnin geta alltaf skrifað hugmyndir sínar á blað og sett í kassann. Reglulega förum við í sameiningu yfir hugmyndirnar sem safnast hafa í kassann og reynum að framkvæma flottar og skemmtilegar hugmyndir.

Stefnt er á að stofna Barnaráð Krakkalands sem fundar reglulega.

## Samstarf við foreldra

Foreldrasamstarf er mikilvægur hluti af daglegu starfi í Krakkalandi og á sér stað bæði í gegnum óformleg samtöl í lok dags þegar foreldrar sækja börnin sín en einnig í gegnum tölvupóst, símtöl og facebook síðu sem forstöðufólk Krakkalands heldur utan um. Þar eru settar inn upplýsingar um daglegt starf og viðburði svo sem starfsdaga, uppbrotsdaga eða annað.

Starf Krakkalands er kynnt í Vorskóla fyrir foreldrar barna í verðandi 1. bekk og í byrjun hvers skólaárs í sömu viku og námskynningar eru. Þar að auki er foreldrum boðið í jólakaffi á föstudegi í desember ár hvert og á útihátið í lok skólaárs, á föstudegi í lok maí eða byrjun júní. Á skólaárinu 2020-2021 leggjum við áherslu á að þróa samstarfið við foreldra markvisst áfram.

## Öryggi og verkferlar

Verkferlar eru mikilvægir í daglegu starfi með börnum í Krakkalandi. Öllum starfsmönnum eru kynntir verkferlar reglulega og þeir yfirfarnir árlega.

### 1. Inn- og útskráning barna

Innskráning barna í 1. og 2. bekk fer fram þegar skóladegi þeirra lýkur milli 12:40 og 14:00. Þau eru sótt af starfsfólki Krakkalands í skólann og labba saman yfir í frístund. Innskráning barna úr 3. og 4. bekk fer fram í Fagralandi.

Útskráning barna er á hendi eins til tveggja starfsmanna. Þau halda utan um allar skráningar, aðstoða foreldra við að finna börnin og senda börn í rútur, á æfingar og heim.

### 2. Barn mætir ekki

Þegar barn úr 1.-4. bekk mætir ekki í Krakkaland er fyrst gengið úr skugga um að barnið hafi komið í skólann eða hvort skýring er á fjarveru þess. Ef engin skýring fæst er haft samband við foreldra og hafin leit.

### 3. Barn týnist

Þegar barnið týnist í Krakkalandi er hafin leit og gengið úr skugga um hvort barnið sé ennþá í skólabyggingunni eða á skólalóð. Starfsfólk frístundar skipta liði við leitina.

Ef leitin ber engan árangur er hringt í foreldra barnsins og athugað hvort barnið hafi farið heim, til fjölskyldumeðlims eða til vinar. Ef það skilar ekki árangri er hringt í lögreglu í samráði við foreldra.

### 4. Á ferð með börnum

Ferðir með börnum eru ekki hluti af daglegu starfi í Krakkalandi heldur eru það sérstakir viðburðir.

Öll börn eru klædd í gul endurskinsvesti í útiveru. Það eru alltaf a.m.k. 2 starfsmenn með hópinn nema um mjög lítinn hóp (<8 börn) sé að ræða. Þriðji starfsmaðurinn bætist við þegar hópurinn er stærri en 16 börn (lengri ferðir).

Börnin ganga í röð með einum starfsmanni fyrir framan hópinn og öðrum fyrir aftan. Þriðji starfsmaðurinn er staðsettur við hliðina á röðinni. Þegar komið er í öruggt umhverfi mega börn hreyfa sig frjálst.

Þegar gengið er yfir götu, skulu starfsmenn gæta þess að öll börnin nái að ganga yfir á sama tíma. Einungis er farið yfir götu á merktum gangbrautum og þurfa starfsmenn að gæta þess að börnin séu sýnileg öikumönnum.

#### 5. Tómstundavagninn

Starfsfólk Krakkalands sendir börn í rútur á æfingar, óski foreldrar eftir því. Nauðsynlegt er að skrá tómstundir í Völuna og senda póst á forstöðukonu Krakkalands [mariannag@kopavogur.is](mailto:mariannag@kopavogur.is) ef breytingar verða á tómstundum yfir veturinn. Ekki er nóg að barnið eitt viti að það eigi að taka rútu. Allar rútur stoppa við Fagralund.

Starfsmaður sem hefur það hlutverk að senda börn í rútu byrjar 15 mínútum fyrir brottför að safna þeim saman og senda af stað. Börnin skrá sig úr Krakkalandi og bíða eftir rúttunni. Starfsmaður með nafnalista er við rúttuna til að vera viss um að öll börnin hafi skilað sér.

Ef barn missir af rúttunni er hringt um leið í foreldra og fundin lausn í samráði við þá.

#### 6. Minniháttar meiðsl

Minniháttar meiðsl, svo sem lítil sár eru yfirleitt meðhöndluð með plástri og vatnssopa. Þegar um stærri óhöpp er að ræða, stór sár eða starfsmaðurinn er óöruggur um alvarleika óhapps er barnið sent til skólahjúkrunarfræðings sem ákveður hvað best er að gera. Ef hún er ekki við, er hringt í foreldra og næstu skref tekin í samráði við þá.

#### 7. Alvarleg slys

Hringt er á sjúkrabíl ef um alvarleg slys er að ræða. Mikilvægt er að einn starfsmaður sinni barninu og annar hefur samskipti við neyðarlínuna. Annað starfsfólk hlúir að og heldur ró hjá hinum börnunum.

#### 8. Ofnæmiskast

Börn með bráðaofnæmi eiga að vera með ofnæmispenna, annað hvort í töskunni sinni eða í skáp í Krakkalandi. Ef barn fær alvarlegt ofnæmiskast, fær það sprautu og hringt er á sjúkrabíl um leið. Haft er samband við foreldra. Þegar um væg ofnæmisviðbrögð er að ræða er hringt í foreldra og ráðstafarnir gerðar í samráði við þá.

#### 9. Rýmingaráætlun

Þegar brunabjallan hringir fylgja börn sem eru í Krakkalandi sömu reglum og gilda í skólanum. Þá fer starfsfólk með þeim út um næstu útihurð og allir safnast saman á gervigrasi, mynda þar einfalda röð fyrir framan tölu síns árgangs. Það gilda nokkrar sérstakar reglur sem starfsfólk þarf að gæta að

Starfsfólk skiptir hlutverkum sín á milli til að yfirfara húsnæðið á stuttum tíma og koma örugglega öllum börnum úr húsi. Það fer eftir því á hvaða svæði þeir vinna hverju sinni:

*Bruna- og rýmingaráætlun fyrir nýtt húsnæði Krakkalands í Fagralundi er í vinnslu.*

**Skráning:** Starfsmaður sem sér um skráningu ber ábyrgð á því að öll börn séu rétt skráð. Hann tekur með sér skráningaripad og græna hendi á gervigras. Þar merkir hann við öll börnin svo að öruggt sé að ekkert barn vanti. Starfsmaður fer út með börnunum og lætur þau fara í röð eftir árgöngum.

**Starfsmaður sem sendir í rútur:** Starfsmaður sem sendir í rútur fer síðastur út úr Krakkalandi. Hann yfirfer öll rými og klósettin. Svo fer hann út til barnanna og starfsmanns sem annast skráningu og aðstoðar þar.

**Sérsvæði (íþróttasalur, tölvustofa, o.sv.fr.):** Starfsmenn á sérsvæðum láta börnin sín fara í röð og mæta með þeim út á gervigrasið.

**Forstöðumaður:** Forstöðumaðurinn hefur eftirlit, sérstaklega með þeim starfsmönnum sem eiga að yfirfara húsið og fylgst með því að þeir séu allir mættir á gervigrasið.

## Innra og ytra mat

### Innra mat

Hver frístund mótar kerfisbundið innra mat á árangri og gæðum starfsins. Innra mat skal vera samofið starfsemi og byggja á fjölbreyttum gögnum. Tekið skal mið af viðfangsefnum hverju sinni og mikilvægt að börn, foreldrar og starfsfólk taki þátt í matinu eftir því sem við á. Innra mat er umbótamiðað og birtist á heimasíðu skóla.

### Umbótaáætlun

Á skólaárinu 2020-2021 ætlum við áfram að einbeita okkur að innleiðingu [Réttindaskólaverkefnisins Unicefs](#) sem er um leið liður í virkjun á [Heimsmarkmiðum Sameinuðu þjóðana](#). Við höldum áfram að þróa innihaldsríkt frístundastarf fyrir þann aldursþóp sem tekur mið að áhuga þeirra og gerir þeim kleift að taka virkan þátt í að hafa áhrif á starfið.

Við ætlum að fá foreldra í lið með okkur til að kenna börnunum að bera ábyrgð á skráningunni sinni og viljum um leið bæta samskipti okkar við foreldra, bæði með óformlegum samtölum í lok dags og með formlegum upplýsingum frá Krakkalandi.

### Ytra mat

Kópavogsbær ber ábyrgð á ytra mati frístundaheimila. Matið skal vera umbótamiðað og á ábyrgð sveitarstjórn að tryggja að viðeigandi umbætur verði gerðar. Við matið er stuðst við margs konar gögn og birtast sem hér segir:

*Tölulegar upplýsingar:* Í október ár hvert er gefnar út lykiltölur í skólastarfi þar sem birtast meðal annars tölur um frístundastarf s.s. fjölda barna í frístundaheimilum og fjölda barna í hópastarfi eftir kynjum.

*Starfsáætlun:* Starfsáætlun er skilað árlega inn til Menntaráðs. Menntaráð fer yfir áætlunina og metur hvort hún sé í anda stefnu bæjarins í málefnum frístundastarfs.

*Viðhorfa kannanir:* Annað hvert ár eru viðhorf foreldra til starfsins könnuð.

*Úttækt á innra starfi:* Fimmta hvert ár er fengin utanaðkomandi fagaðili til að taka út innra starf frístundaheimilisins og hópastarfs. Skoðað er hvort stefna og starfsáætlun birtist í starfinu og hvernig innra mat og umbótaáætlun í kjölfar þess er samofin starfsemi.

*Úttækt á ytra umhverfi:* Kópavogsbær ber ábyrgð að taka reglulega út skólalóðir- og húsnæði.

## Símenntunaráætlun

Endurmenntun starfsmanna á sér stað á skipulagsdögum. Á skólaárinu 2020-2021 leggjum við áherslu á að kynna fyrir starfsfólki [Réttindaskólaverkefni Unicefs](#), jákvæðum og uppbyggilegum samskiptum við börnin ásamt þróunarvinnu að fjölbreyttu og skemmtilegu hópastarfi.

## Yfirlit yfir viðburði á skólaárinu

### 2020

10.-21. ágúst	Sumardvöl fyrir börn í 1.bekk, opið 8:00-16:00
25. ágúst	Skólaþingdagur, skipulagsdagur í Krakkalandi
6. október	Skipulagsdagur Snælandsskóla, Krakkaland opið 8:00-17:00
23. október	Foreldradagur, skertur skóladagur
26.-27.október	Vetraleyfi, Krakkaland lokað
19. nóvember	Skipulagsdagur Snælandsskóla og Krakkalands
18.desember	Jólaskemmtun, skertur skóladagur
21.-22. desember	Jólaleyfi í Snælandsskóla, Krakkland opið 8:00-17:00, skráning í íbúagátt, lágmarksfjöldi: 15 börn
28.-30. desember	Jólaleyfi, Krakkaland er opið 8:00- 16:00, skráning í íbúagátt, lágmarksfjöldi: 15 börn

### 2021

18.janúar	Skipulagsdagur, Krakkaland opið 8:00-17:00
5. febrúar	Foreldradagur, skertur skóladagur
17. febrúar	Öskudagur, skertur skóladagur
18. - 19.febrúar	Vetraleyfi, Krakkaland lokað
17. mars	Skipulagsdagur Snælandsskóla og Krakkalands
29. – 31.mars	Páskaleyfi, Krakkaland er opið ef lágmarksfjöldi næst: 15börn
22. apríl	Sumardagurinn fyrsti, Krakkaland lokað
14. maí	Skipulagsdagur, Krakkaland opið 8:00-17:00
7. – 9. Júní	Þemadagar, Krakkaland opið 8:00- 17:00
10. júní	Skólaslit, Krakkaland opið til kl.17:00
11. júní	Krakkaland opið 8:00-17:00